



БОСНА И ХЕРЦЕГОВИНА
Брчко дистрикт Босне и Херцеговине
ФОНД ЗДРАВСТВЕНОГ ОСИГУРАЊА
УПРАВНИ ОДБОР

BOSNA I HERCEGOVINA
Brčko distrikt Bosne i Hercegovine
FOND ZDRAVSTVENOG OSIGURANJA
UPRAVNI ODBOR / VIJEĆE

Бука С. Караџића 4, 76100 Брчко дистрикт БиХ, тел. + 387 49 211 102; 216 344, факс 216 115, ИБ 4600222830003;
Vuka S. Karadžića 4, 76100 Brčko distrikt BiH, tel. + 387 49 211 102; 216 344, faks 216 115, IB 4600222830003;
веб: www.fzobrcko.ba, e-mail: fzobrcko1@teol.net

Broj: 015-180/7-UO-66/26

Brčko, 30.06.2026. godine

Upravni odbor Fonda zdravstvenog osiguranja Brčko distrikta BiH, člana 16 stav (1) tačka r) Odluke o osnivanju Fonda zdravstvenog osiguranja Brčko distrikta BiH („Službeni glasnik Brčko distrikta BiH“ brojevi: 1/07, 8/07, 7/11, 45/14, 20/16, 7/18, 11/20 6/21 i 3/23), te u skladu sa Odlukom o usvajanju programa utroška sredstava tekućeg transfera za javne fondove Fondu zdravstvenog osiguranja Brčko distrikta BiH za nabavku „MOLLII“ neuromodulacijskog odijela osiguranicima Fonda zdravstvenog osiguranja, broj predmeta: 13-000354/26, broj akta: 01.11-1186NK-008/26 od 04.03.2026. godine i sa Finansijskim planom Fonda zdravstvenog osiguranja Brčko distrikta BiH za 2026. godinu, na 23. redovnoj sjednici, održanoj dana 30.06.2026. godine, donosi:

O D L U K U

O UTVRĐIVANJU PROGRAMA FINANSIRANJA NABAVKE „MOLLII“ NEUROMODULACIJSKOG ODIJELA OSIGURANIM LICIMA FONDA ZDRAVSTVENOG OSIGURANJA BRČKO DISTRIKTA BIH

Član 1 (Opšte odredbe)

Ovom odlukom utvrđuje se program finansiranja nabavke „MOLLII“ neuromodulacijskog odijela osiguranim licima Fonda zdravstvenog osiguranja Brčko distrikta BiH (u daljem tekstu: Fond), koja boluju od neuromišićnog oboljenja cerebralne paralize (u kategoriji GMFCS 1, 2 i 3) i multipla skleroze (vrijednosti EDSS 4 i iznad 4), medicinski i nemedicinski kriterijumi, način ostvarivanja prava, finansiranje, izvori sredstava i druga pitanja od značaja za provođenje ove odluke.

Član 2 (Kriterijumi)

- (1) Nemedicinski kriterijum koji je neophodan za ostvarivanje prava iz člana 1 ove odluke je da podnosilac zahtjeva ima status osiguranog lica Fonda.
- (2) Medicinski kriterijumi koji su neophodni za odobravanje sredstava za nabavku neuromodulacijskog odijela osiguranim licima Fonda su da se radi o osiguranom licu, koje boluje od neuromišićnog oboljenja, i to:
 - a) cerebralne paralize (u kategoriji GMFCS 1, 2 i 3)
 - b) multipla skleroze (EDSS 4 i iznad 4).
- (3) Medicinska dokumentacija potrebna za dokazivanje ispunjenosti kriterijuma iz stava (2) ovog člana :
 - otpusno pismo/nalaz i mišljenje doktora specijaliste neurologa ili neurološkog konzilijuma iz referentne ugovorne zdravstvene ustanove kojim je uspostavljena dijagnoza kod neuromišićnog oboljenja cerebralne paralize (u kategoriji GMFCS 1, 2 i 3) i multipla skleroze (vrijednosti EDSS 4 i iznad 4).

Član 3 **(Obim prava)**

- (1) Fond osiguranim licima iz člana 2 ove odluke, odobrava nabavku „MOLLII“ neuromodulacijskog odijela, te finansira nabavku istog, i to:
 - a) u ukupnom iznosu do 15.920,00 KM za odrasle osobe i
 - b) u ukupnom iznosu do 14.780,00 KM za djecu (do 15 godina)
- (2) Rok korišćenja neuromodulacijskog odijela iznosi 24 mjeseca.

Član 4 **(Ostvarivanje prava)**

- (1) Osigurano lice koje ispunjava uslove iz člana 2 ove Odluke, pravo na nabavku „MOLLII“ neuromodulacijskog odijela ostvaruje prijavom na Javni poziv.
- (2) Dokumentacija koju je potrebno dostaviti Fondu:
 - a) prijedlog za nabavku pomagala na odgovarajućem obrascu izdat od strane nadležnog ljekara specijaliste neurologa pedijatra/pedijatra/neurologa.
 - b) kopija nalaza i mišljenja doktora neurologa ili neurološkog konzilijuma iz ugovornih zdravstvenih ustanova, koji na osnovu uspostavljene dijagnoze indiciraju potrebu za nabavku neuromodulacijskog odijela, te
 - c) medicinska dokumentacija kojom se dokazuje da se radi o osiguranom licu oboljelom od neuromišićnog oboljenja cerebralne paralize ili multiple skleroze.
- (3) Fond po podnesenom zahtjevu osiguranog lica utvrđuje ispunjenost uslova propisanih ovom Odlukom, na način da nadležni referent u Fondu vrši obradu zahtjeva i isti prosljeđuje prvostepenoj komisiji Fonda za utvrđivanje prava na zdravstvenu zaštitu koja donosi Odluku o pravu na nabavku neuromodulacijskog odijela na teret sredstava budžeta Brčko distrikta BiH.
- (4) U skladu sa odredbama ove Odluke, Fond će po podnesenim prijavama odobriti ukupan broj odijela do iznosa utvrđenog budžetom Brčko distrikta BiH za 2026. godinu.
- (5) Po okončanju procedure, preuzimanje neuromodulacijskog odijela, vrši se u prostorijama JZU „Zdravstveni centar Brčko“ Brčko.
- (6) Osigurano lice/roditelj/staratelj prilikom preuzimanja odijela, potpisuje obrazac reversa, jedan primjerak za Fond, a drugi za sebe.

Član 5 **(Sredstva)**

Sredstva za finansiranje „MOLLII“ neuromodulacijskog odijela za potrebe osiguranih lica iz ove odluke obezbjeđuju se iz budžeta Brčko distrikta BiH za 2026. godinu u ukupnom iznosu do 160.000,00 KM.

Član 6 **(Stupanje na snagu i primjena)**

Ova Odluka stupa na snagu danom donošenja i primjenjuje se za 2026. godinu.

Predsjednik Upravnog odbora:

Ilija Anić, dipl. ekonomist, s.r.